

qui de Ceux [qui] m'accompagnoient Je voulois quelle en donnast, Ensuite elle mosta la Corde du Col & me deslia les bras elle me donna une chemise blanche & une Couverture d'étoffe fine qui appartenoit a sa fille, auroit on cru que parmy des Sauvages Il se seroit trouvé une aussi genereuse amitié & une aussi grande reconnoissance d'avoir reçu le baptesme que celle la Cestoit la veille de s^t. Laurent Et tous le matin Je m'estois disposé le moins mal que j'avois pu a tout ce qui pourroit arriuer & a souffrir le feu sil Estoit besoin a l'imitation de ce grand saint Mais l'autoie que Jeus peine a retenir mes larmes voyant la Charité & le Cœur de ces pauvres Sauvages Chrestiens. Estant un peu reuenu a moy, Je demanday si Cestoit pour orner la Victime & si Je devois mourir a mon arriuée La bonne Crestienne me dit quil ny auoit encore rien dassuré & que le Conseil donneist en decideroit en son tems

Un Guerrier mauoit desja presté des otonniata un petit Justau Corps tout neuf quon ne me voulut pas oster pour lors & les Chrestiens mayant encore donné de nouvelles hardes lon me fit continuer ma route avec les liurées des deux plus considerables familles donneist de celle de L'ours et de celle de la tortue

Lon envoya incontinent avertir les anciens que j'estois proche afin qu'ils vinssent aussi au deuant de moy et qu'ils allumassent un feu d'attente endeca de la bourgade, ils y vinrent mais Ils nestoient pas tous dans la mesme disposition desprit que Ceux dont Je viens de parler, un ancien apres mauoir salué a la Sauvage voulut par trois fois me donner un coup de poing dans le visage Mais come j'avois Les bras libres Je paray trois fois Le Coup quasi sans que l'y fisse